

**ZAVOD ZA JAVNO ZDRAVSTVO  
TUZLANSKOG KANTONA**

Broj: 07-15-3/22

Datum: 19.01.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) VD direktora Zavoda d o n o s i

**O D L U K U**

**o poništenju postupka javne nabavke radova „Restauracija fasadnih površina poslovnog objekta Zavoda za javno zdravstvo Tuzlanskog kantona u Tuzli“**

**I**

Prihvata se preporuka Komisije za nabavke broj 07-15-2/22 od 18.01.2022. godine i poništava se postupak javne nabavke radova „Restauracija fasadnih površina poslovnog objekta Zavoda za javno zdravstvo Tuzlanskog kantona u Tuzli“ koji je proveden putem konkurentskog zahtjeva za dostavljanje ponuda, iz razloga što primljena ponuda za predmetnu nabavku nije prihvatljiva.

**II**

Obavještenje o nabavci iz tačke I ove Odluke objavljeno je na portalu javnih nabavki pod brojem 1247-7-3-275-3-15/21 od 08.12.2021. godine.

**III**

Odluka stupa na snagu danom donošenja.

**O b r a z l o ž e n j e**

Zavod za javno zdravstvo Tuzlanskog kantona, kao Ugovorni organ, je pokrenuo postupak javne nabavke radova „Restauracija fasadnih površina poslovnog objekta Zavoda za javno zdravstvo Tuzlanskog kantona u Tuzli“ broj 07-132-1/21 od 08.12.2021. godine, putem konkurentskog zahtjeva za dostavljanje ponuda za koje je objavljeno obavještenje o nabavci broj 1247-7-3-275-3-15/21 od 08.12.2021. godine, a na osnovu Odluke Upravnog odbora Zavoda za javno zdravstvo Tuzlanskog kantona broj 02-919-1/21 od 28.10.2021. godine.

Tenderska dokumentacija je objavljena na Portalu javnih nabavki i istu je preuzelo 18 ponuđača. Poziv za učešće u predmetnom postupku upućen je na adrese tri ponuđača i to: GD DEKOR MB d.o.o. Tuzla, TEHNOGRAD D.O.O. TUZLA i DELING INVEST D.O.O. TUZLA.

U roku za prijem ponuda zaprimljena je jedna ponuda i to ponuda ponuđača ASTRA PLAN D.O.O. BRČKO DISTRIKT.

Komisija je konstatovala da je ponuda imenovanog ponuđača blagovremena, ispravno zapečaćena i pristupila je njenom otvaranju. Komisija je konstatovala da je ponuda zaprimljena u ukupnom iznosu od 99.182,37 KM bez PDV-a odnosno 116.043,37 KM sa PDV-om. Po završetku otvaranja zaprimljene ponude Komisija je sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14), isti dan dostavljen ponuđaču.

Dana 18.01.2022. godine Komisija je nastavila sa pregledom i ocjenom zaprimljene ponude i konstatovala da ponuda imenovanog ponuđača ne ispunjava kvalifikacione uslove definisane tenderskom dokumentacijom. Naime, prema tački 12.4. tenderske dokumentacije

pod b), c) i d), a u svrhu dokazivanja tehničke i profesionalne sposobnosti, ponudač je morao dostaviti sljedeće:

- Izjavu ponudača da ima angažovanog diplomiranog inženjera sa najmanje tri godine radnog iskustva ili inženjera sa najmanje pet godina radnog iskustva, sa položenim stručnim ispitom, kojeg je obavezan da imenuje za glavnog voditelja radova koji su predmet nabavke,
- Izjavu da ponudač ima angažovano tehničko osoblje za izvođenje radova koji su predmet nabavke,
- Potvrdu o građevinskim mašinama i tehničkoj opremi kojom izvođač raspolaže u svrhu izvršenja ugovora,

što ponudač ASTRA PLAN D.O.O. BRČKO DISTRIKT nije dostavio.

Shodno članu 44. stav (6) Zakona o javnim nabavkama Bosne i Hercegovine (Službeni glasnik BiH broj: 39/14) imenovanom ponudaču nije dopušteno da nastavi postupak javne nabavke.

Obzirom da zaprimljena ponuda ne ispunjava kvalifikacione uslove za učešće u predmetnom postupku iz naprijed navedenih razloga, Komisija je dala preporuku VD direktora da se predmetni postupak javne nabavke treba poništiti u skladu sa članom 69. stav (2) tačka d) Zakona, te je donešena odluka kao u dispozitivu.

#### ***Pouka o pravnom lijeku:***

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od deset dana od dana prijema iste.

**VD DIREKTORA**  
*Dr. sci. Mulić Maida, van.prof.*



#### ***Dostaviti:***

1. Ponudaču
2. a/a